

第六冊

冊府元龜

中華書局影印

冊府元龜第六冊目錄

將帥部(二)

卷四二六	招降	五〇六七
卷四二七	受降	五〇八二
卷四二八	料敵	五〇九〇
卷四二九	守邊	五一〇五
	拓土	五一一四
卷四三〇	乞師	五一一八
	致師	五一二四
卷四三一	器度	五一二六
	讓功	五一三〇
	不伐	五一三二
	勤戎事	五一三四
卷四三二	矯命而勝	五一三八
	立後効	五一四二
卷四三三	輕財	五一四八
	示弱	五一五〇
卷四三四	獻捷一	五一五四
卷四三五	獻捷二	五一六七
卷四三六	繼襲	五一七六
卷四三七	強復	五一八四

卷四三八	失士心	五一九〇
	無功	五一九四
	奔亡	五二〇一
卷四三九	要君	五二〇七
	違命	五二一〇
	擅命	五二一四
卷四四〇	交結	五二一八
	忌害	五二二一
卷四四一	敗衄一	五二二九
卷四四二	敗衄二	五二四〇
卷四四三	敗衄三	五二五四
卷四四四	陷沒	五二六七
卷四四五	無謀	五二七八
	逗撓	五二八二
	軍不整	五二八六
卷四四六	觀望	五二八九
	生事	五二九三
卷四四七	違約	五二九九
	徇私	五三〇一
	縱敵	五三〇三
	輕敵	五三〇五
卷四四八	殘酷	五三一一

報私怨	五三一八	
卷四四九	殺降	五三二〇
專殺	五三二二	
卷四五〇	失守	五三三〇
譴讓	五三三六	
卷四五一	爭功	五三四三
矜伐	五三四七	
卷四五二	識聞	五三五一
卷四五三	翻覆	五三六四
怯懦	五三六九	
卷四五四	豪橫	五三七七
奢侈	五三八三	
專恣	五三八六	
卷四五五	貪黷	五三九〇
卷四五六	不和	五三九九
臺省部		
卷四五七	總序	五四〇九
選任	五四二四	
卷四五八	德望	五四三二
才智	五四四〇	
卷四五九	公正	五四四二
卷四六〇	正直	五四五九

卷四六一	寵異	五四七九
卷四六二	清儉	五四九七
恭慎	五五〇四	
練習	五五〇七	
卷四六三	謙退一	五五一一
卷四六四	謙退二	五五一八
卷四六五	識量	五五二六
卷四六六	忠節	五五三九
卷四六七	舉職	五五五四
宣贊	五五六三	
卷四六八	薦舉	五五六五
卷四六九	封駁	五五七九
卷四七〇	奏議一	五五九三
卷四七一	奏議二	五六一一
卷四七二	奏議三	五六二三
卷四七三	奏議四	五六四一
卷四七四	奏議五	五六五三
卷四七五	奏議六	五六六四
卷四七六	奏議七	五六七七
卷四七七	謀畫	五六九二
卷四七八	簡傲	五七〇四
廢職	五七〇六	

交惡	五七〇八	卷四八九	蠲復一	五八四五
漏洩	五七一二	卷四九〇	蠲復二	五八五七
姦邪一	五七一四	卷四九一	蠲復三	五八六九
姦邪二	五七二三	卷四九二	蠲復四	五八八〇
輕躁	五七三〇	卷四九三	山澤一	五八九〇
譴責	五七三七	卷四九四	山澤二	五九〇四
明附	五七四七	卷四九五	田制	五九一七
害賢	五七五四	卷四九六	河渠一	五九三五
諂佞	五七五六	卷四九七	河渠二	五九四七
貪黷	五七六〇	卷四九八	漕運	五九五九
邦計部		卷四九九	錢幣一	五九七四
總序	五七六三	卷五〇〇	錢幣二	五九八四
選任	五七七四	卷五〇一	錢幣三	五九九五
才略	五七七八	卷五〇二	平糴	六〇一〇
褒寵	五七八〇	卷五〇三	常平	六〇一八
經費	五七八三	卷五〇四	屯田	六〇二六
濟軍	五七九五	卷五〇五	權酷	六〇四〇
輸財	五八〇一	卷五〇六	關市	六〇四五
戶籍	五八〇四	卷五〇七	絲帛	六〇五四
遷徙	五八一五	卷五〇八	俸祿一	六〇五八
賦稅一	五八二一	卷五〇九	俸祿二	六〇七〇
賦稅二	五八三三	卷五一〇	俸祿三	六〇八三

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

將帥部 八十七

招降

夫舞干之義載於虞書前禽之訓昭回義易自大道之喪佳兵是用勝者類封豕之荐食敗者同困獸之猶鬪是以肝腦塗地城郭為墟斯豈明王來蘇之意先賢節奏之舉乎其有授鉞於廟建牙作藩董茲戎冊府元龜將帥部 卷之四百二十六

昭共行天罰乃能宣布德澤招來携貳結之以恩信格之以誠明先聲以奪其心大義以回其志使其奔走而獻款俯伏而求全斯亦善師不陣之謂矣至或孤壘危急士眾離析閔以窮困釋其怨疾俾夫洗滌以更始感激而效忠雖云仁者之志抑亦兵家之奇焉

漢項羽為楚懷王上將軍救趙秦將章邯軍韓原羽軍漳南相持未戰秦軍數却二世使人讓章邯邯恐使長史欣請事至咸陽留司馬門三日趙高不見欣恐還走至軍門曰事不可為者言不可復為陳餘亦

遺章邯書曰將軍何不還兵與諸侯為從言欲如六國特兵秦南面稱孤孰與身伏斧質妻子為戮乎章邯孤疑陰使侯始成使羽欲約軍侯姓始名成約未成羽使候將軍軍章邯南與秦戰大破之羽悉引軍擊秦軍汙水上大破之邯使使見羽欲約羽軍更謀曰糧少欲聽其約軍吏曰善羽乃與盟洹水南殷墟上已盟邯見羽流涕為言趙高魏初傳云項羽破秦軍降章邯韓信擊破趙軍用廣武軍李左車策發使燕燕從風而靡

後漢趙熹字伯陽南陽宛平人也更始即位武陽大冊府元龜將帥部 卷之四百二十六

姓李氏擁城不下更始遣柱天將軍李寶降之不肯云聞宛之趙氏有孤孫熹信義著名願得降之更始乃徵熹熹年未二十既引見更始笑曰爾果犢豈能負重致遠乎即除為郎中行偏將軍事使詣舞陰而季氏遂降熹因進入潁川擊諸不下者歷汝南界還宛更始大悅謂熹曰卿名家駒努力勉之武帝謂劉德為千里之駒故以熹比之 以戰勞拜中郎將封勇功侯時江南未賓道路不通以熹守簡陽侯相熹不肯受兵單車馳之簡陽吏民不欲內熹熹乃告警呼城中大小示以國家威信其帥即開門面縛自歸繇是諸營壁悉降荆

州牧秦惠才任理刺詔以為平林侯攻擊羣賊安集已降者縣邑平定

吳漢為大司馬率諸將及五校賊鬲縣五姓共逐守長據城而反諸將爭欲殺之漢不聽曰使鬲反者皆守長罪也敢輕冒道兵者斬乃移檄告郡使牧守長而使人謝城中五姓皆喜即相率降諸將乃服曰不戰而下城非眾所及也又更始尚書令謝躬留魏郡大守陳康守鄴大率諸將擊某賊世祖因躬在外乃使漢襲其城漢先令辨士說陳康曰蓋聞上智不處危以俸僥中智能因危以為功下愚安於危以自亡

冊府元龜

將帥部

卷之四百二十六

三

危亡之至在人所繇不可不察今東師敗亂四方雲擾公所聞也蕭王兵強士附河北歸命公所見也謝躬內背蕭王外失眾心公所見也公令據孤危之城待滅亡之禍義無所立節無所成不若閉門內軍轉禍為福免下愚之敗收中智之功此計之上者也康然之於是收劉慶及躬妻子開門內漢等

馮異為孟津將軍統內郡河內二郡軍河上與河內太守寇恂合勢以拒更始將朱鮪等異乃遺李軾書曰愚聞明鏡所以照形往事所以知今昔微子去殷而入局項伯畔楚而歸漢勸迎代王而黜少帝霍

光尊孝宣而廢昌邑彼皆畏天知命觀存亡之符見廢興之事故能成功於一時垂業於萬世也苟令長安尚可扶助延期數月疏不問親遠不踰近季文豈能居一隅哉今長安壞亂赤眉臨郊王侯構難大臣乖離綱紀已絕四方分散異姓並起蕭王跋涉霜雪經營河北方令英俊雲集百姓風靡雖邠岐慕周不足以踰季文誠能覺悟成敗承定大計論功古人轉禍為福在此時矣如猛將張驅嚴兵圍城雖有悔恨亦無及已初軾與光武首結謀約加相親愛及更始立反陷戮伯升雖知長安已危欲降又不自安乃報

冊府元龜

將帥部

卷之四百二十六

四

異書曰軾本與蕭王首謀造漢結死生之約同勞苦之計今軾守雒陽將軍鎮孟津俱據機軸千載一會思誠斷金唯深達蕭王願進思策以佐國安人軾自通書之後不復與異爭鋒故異因此得北攻天井關拔上黨兩城又南下河南成臯巴東十三縣及諸屯聚皆平之降者十餘萬

岑彭為廷尉行大將軍事與大司馬吳漢等圍雒陽吏目更始將朱鮪堅不下光武以彭嘗為鮪較尉令往說鮪鮪在城上彭在城下相勞苦如平生鮪因曰大司徒被害鮪預其謀大司徒光武兄伯升為更始所殺又諫更始

無遣蕭王北伐自知罪深彭還具言於帝帝曰夫建大事者不念小怨鮪今若降官爵保况誅罰乎彭復告鮪鮪從城上下索曰必信可乘此上彭趣索欲上鮪見其誠卽許降後五日鮪將輕騎詣彭乃面縛與彭俱詣河陽帝卽解其縛與見之復令彭夜送鮪歸城明旦悉其衆出降彭後爲征南大將軍伐蜀以夬州殺少水險難漕運留威虜將軍馮駿軍江州都督田鴻軍夷陵領軍李玄軍夷道自引兵還屯津鄉當荊州要會喻告諸蠻夷降者奏封其君長初彭與交趾牧鄧騷厚善與騷書陳國家威德又遣偏將軍屈册府元龜將帥部卷之四百二十六 五

充移檄江南頒行詔命於是讓與江夏太守侯登武陵太守王堂長沙相韓福桂陽太守張隆零陵太守田欽蒼梧太守杜穆交趾太守錫光等相率遣使貢獻悉封爲列侯或遣子將兵助彭征伐於是江南之珍始流通焉又自率臧宮劉歆長驅入江關令軍中無得虜掠所過百姓皆奉牛酒迎勞彭見諸老爲言大漢哀愍巴蜀久見虜役故興師遠伐以討有罪爲人除害讓不受其牛酒百姓大喜悅爭開門降馬援爲隴西太守遣羌豪楊封譬說塞外羌皆來和親又武都氏人背公孫述來降者援皆上復其侯王

君長賜印綬光武喜悉從之

來欽爲中郎將建武七年帝使欽至沂欽以書招隗賢大將軍王遵遵乃與家屬東詣京師

王遵隗賢將也後去詣京師拜大中大夫封尚義侯光武率諸將上隴使遵持節監大司馬吳漢留營於長安時囂將牛邯軍瓦亭遵知囂必敗滅而與牛邯舊故知其有歸義意以書喻之曰遵與隗王歆盟爲漢自經歷虎口踐履死地已十數矣于時周維以西周維謂無所統壹故爲王策欲東收關中北取上郡進以奉天人之用退以懲外夷之亂數年之間冀册府元龜將帥部卷之四百二十六 六

聖漢復存當挈河隴奏舊都以君大朝生民以來臣人之勢未有便於此時者也而王之將吏郡居穴處

之徒穴處言所人人抵掌說文抵掌擊也戰國策云蘇秦與李兌抵掌而談也

欲爲不善之計遵與孺卿日夜所爭害幾及身者豈

一事哉前計抑絕後策不從所以吟嘯扼腕垂涕登

車拒持也史記云天下之幸蒙封拜得延論議大人在議車上莫不扼腕以言之每及西州之事未嘗敢忘孺卿之言今車

駕大衆已在道路吳耿驍將雲集四境而孺卿以奔

離之卒拒要拒當軍衝視其形勢何如哉夫智者觀

阮思變賢者泥而不滓在泥滓之中是以功名終申

而泥滓也

第畫復得故夷吾束縛而相齊

新序曰桓公與管仲鮑叔牙咸欲桓公

鮑叔牙曰姑爲寡人親乎鮑叔牙而楚視曰吾君無志平首也使管子無忘束縛從魯也使齊威無忘其飲牛于黔布杖劍以歸漢鮑叔牙爲楚淮南王高祖使車下也黔布杖劍以歸漢隨何說布乃杖劍歸王也

去愚就義功名并著今孺卿當成敗之際遇嚴兵之

鋒可爲怖慄宜斷之心胃參之有識耶得書沉吟十

數日乃謝士衆歸命維陽拜爲大中大夫於是罷大

將十三人屬縣十六衆十餘萬皆降

應奏爲武陵太守奉詔誘叛蠻降之

祝良爲九真太守與交趾刺史張喬慰誘日南叛蠻降

之嶺外乃平

冊府元龜

將帥部

卷之四百二十六

七

曹宗爲燉煌太守時北匈奴與諸國共爲邊寇宗患

其暴害遣行長史索班將千餘人屯伊吾以招撫之

於是車師前王及鄯善王來降

龐參爲護羌校尉時燒當羌種號多還斷隴道參以

恩信招誘之號多等率衆七千人詣參降

馮緄爲度遼將軍詔緄招降叛虜於是右賢王部押

鞬等萬三千口詣緄降

夏方爲交趾刺史時南蠻夷攻燒城邑方招誘降之

馮續爲隴西太守鮮卑寇邊以續爲遼東太守曉諭

降集虜皆彌散又遷車騎將軍討長沙零陵蠻賊軍

至長沙賊悉詣營道乞降

營道今道州縣也

進擊武陵蠻夷

斬首四千餘級受降千餘萬人荊州平定

劉表鎮荊州張濟引兵至荊州賈詡隨之歸表襄陽

城守不受濟因攻之爲流矢所中濟從子繡收衆而

進表自責以爲已無賓禮遣使招繡繡遂屯襄陽爲

表比藩

劉虞字伯安初爲幽州刺史恩信流著戎狄附之公

孫瓚討羌有功進屯屬國與胡相擊五六年兵力居

等鈔畧青徐幽冀四州被其害瓚不能禦朝議以虞

既有德義若使鎮撫可不勞衆而定乃以虞爲幽州

冊府元龜

將帥部

卷之四百二十六

八

收虞到遣使至胡中告以利害責使送張純首丘力

居等聞虞至喜各遣譯自歸瓚害虞有功乃陰使人

邀殺胡使胡知其情問行詣虞虞上罷諸屯兵但留

瓚將步騎萬人屯右北平純乃棄妻子逃入鮮卑爲

其客王政所殺送首詣虞封政爲列侯以功卽拜太

封襄賁侯

呂布爲徐州牧在下邳東海蕭建爲琅邪相治莒保

城自守不與布通與建書曰天下舉兵本以誅董卓

耳布殺卓來詣關東欲求兵西迎大駕光復維京諸

將自還相攻莫肯念國布五原人也去徐州五千餘

里乃在天西北角今不來共爭天東南之地苦與不
邳相去不遠宜當共通君如自遂以爲郡郡作帝縣
縣自王也昔樂毅攻齊呼吸下齊七十餘城唯莒卽
墨二城不下所以然者中有田單故也布雖非樂毅
君亦非田單可取布書與智者詳共議之建得書卽
遣主簿齎牋上禮貢良馬五匹

魏鍾繇漢末爲尚書僕射時關中諸將馬騰韓遂等
各擁強兵相與爭太祖方有事山東以關右爲憂乃
表繇以侍中守司隸較尉持節都督關中諸軍委之
以後事特使不拘利制至長安移書騰遂等爲陳禍

冊府元龜

將帥部
招降

卷之四百二十六

九

福騰遂遣子入侍

董招漢末爲河南尹時張楊爲其將楊颯所殺楊長
史薛弘河內太守繆尚城守待袁紹救太祖令招單
身入城告喻弘尚等卽日舉衆降以昭爲冀州牧時
袁紹遣將領顏良攻東郡又徙紹爲魏郡太守從討
良良死後進圍鄴城袁紹同族春卿爲魏郡太守在
城中其父元長在楊州太祖遣人迎之昭書與春卿
曰蓋聞孝者不肯親以要利仁者不忘君以徇私志
士不探亂以徼幸智者不詭道以自危足下大君
避內難南游百越非疏骨肉樂彼吳會智者深識獨

或宜然曹公愍其守志清恪離羣寡儔故特遣使江
東或迎或送今將至矣就令足下處偏平之地依德
義之主居有太山之固身爲喬松之偶以義言之猶
宜背彼向此舍民趣父也且邾儀父始與隱公盟魯
人喜之而不書爵然則王所未命爵尊不成春秋之
義也况足下今日之所託者乃危亂之國所受者乃
矯誣之命乎苟不逞之與羣而厥父之不恤不可以
言孝忘祖宗所居之本朝安非正之奸職難可以言
忠孝忠並替難以言智又足下昔者爲曹公所禮辟
夫戚族人而疎所生內所寓而外王室懷邪祿而叛

冊府元龜

將帥部
招降

卷之四百二十六

十

知已遠福祿而近危亡棄明義而收大耻不亦可惜
耶若能翻然易節奉帝養父委身曹公忠孝不墜榮
名彰矣宜深留計早決良圖鄴既定以昭爲建義大
夫

徐晃爲偏將軍太祖圍鄴破邯鄲易陽令韓範偽以
城降而拒守太祖遣晃攻之晃至飛矢城中爲陳成
敗範悔見輒降之旣而言於太祖曰二袁未破諸城
未下者傾耳而聽今日滅易陽明日皆以死守恐河
北無定時也願公降易陽以示諸城則莫不望風太
祖善之又爲廣野將軍後征張魯別遣晃討攻虜仇

夷諸山氏皆降之遷平寇將軍

張壽遷裨將軍大祖遣定魯國諸縣與夏侯淵圖昌
稀於東海數月糧盡議引軍還遼謂淵曰數日已來
舟行諸國稀輒屬目視遼又其射矢更稀此必稀計
猶豫故不力戰遼欲挑與語儻可誘也乃使謂稀曰
公有命使遼傳之稀果下與遼語遼爲說太祖神武
方以德懷四方先附者受大賞稀乃許降遼遂單身
上三公山人稀家拜其妻稀歡喜隨詣大祖大祖遣
稀還責遼曰此非大將法也遼謝曰以明公威信著
於四海遼奉聖旨稀必不敢害故也

冊府元龜

將帥部

卷之四百二十六

十一

吳全宗爲安東太守明賞罰招誘降附數年中得萬
餘人

呂蒙爲偏將軍領尋陽令魏使廬江謝奇爲蘄春典
農屯皖田鄉數爲邊寇蒙使人誘之不從則伺隙襲
擊奇遂縮退其部伍孫子才宋蒙等皆携負老弱詣
蒙降又劉備令關羽鎮守專有荆土大帝令蒙西取
長沙零桂三郡蒙移書二郡望風歸服又關羽討樊
蒙浮江襲其空虛蜀將軍士仁在公安拒守蒙令虞
翻說之翻至城門謂守者曰吾欲與汝將軍語仁不
肯相見乃爲書曰明者防禍於未萌知者圖患於將

招降

五〇七二

來知得知失可與爲人知存知亡足別吉凶大軍之
行斥候不及施烽火不及舉此非天命必有內應將
軍不先見時時至又不應之獨守紫帶之城而不降
死戰則毀宗城祀爲天下譏笑呂虎威欲到南郡斷
絕陸道生路一塞衆其地形將軍爲在箕舌上耳奔
走不得免降則失義竊爲將軍不安幸熟思焉仁得
書流涕而降翻謂蒙曰此誦兵也當時仁行留兵備
城遂將仁至南郡南郡太守麋芳城守蒙以仁示之
遂降吳錄云初南郡城中失火頗焚燒軍器羽以責
芳芳內畏懼吳聞而誘之芳潛相和及蒙攻之
乃以半酒蒙入據城盡得羽及將士家屬皆撫慰令
出降焉

冊府元龜

將帥部

卷之四百二十六

十二

軍中不得干歷人家有所求取蒙麾下士是汝南人
取民家一笠以覆官鎧官鎧雖公蒙猶以爲犯軍令
不可以鄉里故而廢法遂垂涕斬之於是軍中震懼
道不拾遺蒙旦暮使親近存恤耆老問所不足疾病
者給醫藥饑寒者賜衣糧羽府藏財寶皆封閉以待
大帝至羽還在道路數使人與蒙相聞蒙輒厚遇其
使周游城中家家致問或手書示信羽人還私相參
訊咸知家門無恙見待過於平時故羽吏士無鬪心
會大帝尋至羽自知孤窮乃走麥城西至漳鄉衆皆
委羽而降大帝使朱然潘璋斷其徑路卽父子俱獲

荆州遂平

陸胤爲交州刺史安南較尉時交趾九真夷賊攻沒城邑交趾騷動胤入南界喻以恩信務從招納高涼渠帥黃吳等支黨三千餘皆出降引軍而南重宣至城遺以財幣賊師百餘人民五萬餘家浮幽不羈莫不稽顙交域清泰就加安南將軍復討蒼梧桐建陵賊破之前後出兵八千餘人以充軍用

諸葛恪爲左輔都尉大帝令恪守節度掌軍糧穀非其好也恪以丹陽山險民多果勁雖前發兵徒得外縣平民而已其餘浮遠其能擒盡屢自求乞爲官出

冊府元龜

將帥部

卷之四百二十六

十三

之三年可得甲士四萬衆議咸以丹陽地勢險阻與吳郡會稽新都鄱陽四郡鄰接周旋數千里山谷萬重其幽邃民人未嘗入城邑對長吏皆伏兵野逸白首於林莽逋亡宿惡咸共逃竄山出銅鐵自鑄甲兵俗好武習戰高尚氣力其升山赴險抵突叢棘若魚之走淵援狃之騰木也時觀閭隙出爲寇盜每致兵征伐尋其窟藏其戰勝則蠶至敗則鳥竄自前世以來不能羈也皆以爲難恪父瑾聞之亦以事終不逮恪盛陳其必捷大帝拜恪撫越將軍領丹陽太守授檠戟武騎三百拜畢命恪備威儀作鼓吹導引歸家

時年三十二恪到府乃移書四郡屬城長吏令保其

疆界明立部位其從化平民悉令屯居乃分內諸將

羅兵南阻但繕藩籬不與交鋒俟其穀稼將熟輒縱

兵芟刈使無遺種舊穀既盡雖曰不收平民屯居畧

無所入於是山民饑窮漸出降首恪乃復勅下曰山

民去惡從化皆當撫慰徙出外縣不得嫌疑有所執

拘曰陽長胡伉得降民周遇舊民惡因迫脅出內圖

叛逆伉縛送言府恪以伉違教遂斬以徇以狀表上

氏聞伉坐執人被戮知官惟欲出之而已於是老幼

相攜而出歲期人數皆如本規恪自領萬人餘分給

冊府元龜

將帥部

卷之四百二十六

十四

諸將

蜀諸葛亮爲丞相錄尚書事建興三年亮南征歸至

漢陽縣降人李鴻來詣亮亮見鴻時蔣琬與費詩在

坐鴻曰聞過孟達許適見王冲從南來言往者達之

去就明公切齒欲誅達妻子恐先生不聽耳達曰諾

葛亮見頃有本末終不爾也盡不信冲言委仰明公

無復已已亮謂琬詩曰還都富有書與子度相聞詩

進曰孟達小子昔事振威不忠後又背叛先主反覆

之人何足與書邪亮默然不荅亮欲誘達以爲外援

竟與達書曰往年南征歲未及還適與李鴻會於漢

陽承知消息慨然永嘆以存足下平素之志豈徒空許名榮貴爲乖離乎嗚呼孟子斯實劉封侵陵足下以傷先王待士之義又鴻道王冲造作虛語云足下量度吾心不受冲說尋表明之言追平生之好依依東望故遣有書達得亮書數相交通辭欲叛魏魏遣司馬宣王征之卽斬賊達亮以達無欺誠之心故不救助也

晉祖逖爲豫州刺史樊雅據醴郡反逖使桓宣說之雅與宣置酒結友遣子隨宣詣逖少自雅便自詣逖逖遣雅還撫其衆僉謂前數罵辱逖懼罪不敢降雅

冊府元龜

將帥部

卷之四百二十六

十五

閉城自守逖往攻之復遣宣入說雅雅卽斬豎者遂出降

隋侃爲龍驤將軍征杜弼弼將王貢精卒三千出武陵江誘五谿夷以舟師斷官運徑向武昌侃使鄭攀及伏波將軍陶延夜趨巴陵潛師掩其不備大破之斬千餘級降萬餘口貢遁還湘城賊中離阻杜弼遂疑張奕而殺之衆情益懼降者滋多王貢復挑戰侃還謂之曰杜弼爲益州刺史盜用庫錢父死不奔喪卿本佳人何爲隨之也天下寧有白頭賊乎貢初橫脚馬上侃言訖貢飲客下脚辭色甚順侃知其可動

復令諭之截髮爲信貢遂來降而弼敗走進尅長沙獲其將毛寶高寶梁堪而還又爲廣州刺史先是廣州人迎長沙人王機爲刺史機復遣使詣王敦乞爲交州刺史敦從之會杜弘據臨賀因機乞降勸弘取廣州弘遂與溫邵及交州秀才劉沉俱謀反侃追擊破之執劉沉又遣部將討機斬之諸將皆請乘勝擊溫邵侃笑曰吾威名已著何事遣兵但以函紙自足耳於是下書諭之邵懼而走追獲於始興

王導爲都督諸軍事蘇峻之亂路永康術賈寧等皆峻心腹聞祖約奔敗懼事不立迭說峻誅大臣峻旣

冊府元龜

將帥部

卷之四百二十六

十六

不納永等慮必敗陰結于導導使參軍袁耽潛說路永使歸順

南齊始興王鑑鎮益州劫帥韓武方嘗聚黨千餘人斷流爲暴郡縣不能禁行旅斷絕鑑行至上明武方乃出降長史虞悛載宗切等咸請殺之鑑曰武方爲暴積年所不能制今降而被殺失信且無以勸善於是啓臺果被宥自是巴西蠻夷凶惡皆望風降附

梁蕭景高祖初爲寧朔將軍行南兗州事天下未定汴北倉楚各據塢壁景示以威信渠帥相率而縛請罪旬日境內皆平

衡山侯恭監南徐州事時衡州刺史武會超在州子
任縱暴州人朱朗聚黨反武帝以恭爲刺史時朗已
圍始興恭至緩服狗賊示以恩信群賊伏其勇是夜
退三舍以避兵軍吏請追恭曰賊以政苛致叛非有
陳吳之心緩之則自潰急之則併力諸君置之明日
朗遣使請降恭投節受之一無所問

後魏江陽王繼爲平北將軍鎮攝舊都高車酋帥樹
擁部民反叛詔繼都督北討諸軍事自懷朔已東悉
稟繼節度繼表高車頑黨不識威憲輕相合集背役
逃歸計其竟及事合窮極若悉追戮恐遂擾亂請遣
用府元龜將帥部卷之四百二十六 十七

使鎮別推驗斬誓首一人自餘加以慰喻若悔悟從
役者卽令赴軍詔從之於是叛徒往往歸順孝文善
之顧謂侍臣曰江陽足大任也

源子恭爲尚書主客郎中攝南主客事時河州羌却
鐵忽反殺害長吏詔子恭持節爲行臺率諸將討之
子恭嚴勒州郡及諸軍不得犯民一物輕與賊戰然
後示以恩威兩旬間悉皆降款朝廷嘉之

韋琬孝文初蠻首桓誕歸款朝廷思安邊之畧以誕
爲東荊州刺史令琬爲使與誕招慰諸蠻琬自懸瓠
西入三百餘里至桐栢山窮臨淮源宣揚恩澤莫不

降附

刁遵爲龍驤將軍雒州刺史遵招誘有方梁新化太
守杜性新化令杜龍振平陽令杜臺定等率戶三千
據地內附

竇瑾爲殿中都官尚書從征蓋吳先驅慰喻自平巴
西氏羌酋領降下數千家

慕容白曜爲左僕射都督諸軍事征南大將軍攻宋
斗城宋將房崇吉夜遁獲崇吉母妻待之以禮崇吉
與從弟法壽盜宋繫陽城以贖母妻白曜自瑕丘遣
將軍長孫觀等率騎入自馬耳關赴之觀至繫陽諸

冊府元龜將帥部卷之四百二十六 十八

懸悉平又宋幽州刺史劉休賓鎮梁鄒及白曜軍至
斗城遣人說之令降休賓不從宋龍驤將軍崔靈延
行渤海郡房靈建等數十家皆入梁鄒同舉休賓爲
征虜守荒州會宋遣使授休賓輔國將軍兗州刺史
休賓妻崔邪利女也生一男字文暉崔氏先歸寧在
魯郡邪利之降也文暉母子送與俱入國至是白曜
表請崔與文暉旣至白曜以報休賓又於北海報其
弟劉延和妻子送至梁鄒巡視城下休賓答曰白曜
許歷城降當歸順密遣主簿尹文達向歷城觀魏國
形勢文達詣白曜昨言聞主入境故來抵候利謂白

曜曰劉休賓父子兄弟累郡連州今若識運知機束手歸化不審明王如何賞叙白曜曰休賓仕南爵寵如此今若不勞兵甲望風自降者非直處卿富貴兼還其婦兒休賓縱令不畏攻圍豈不憐其妻子也今在斗城卿自往見文達乃至斗城見妻子文羣攀援文達哭泣號咷以爪髮爲信文達回還復經白曜誓約而去白曜曰卿是休賓耳目腹心親見其妻子又知我家旅少多善共景識自求多福文達還見休賓出其妻兒爪髮兼宣白曜所言及國軍形勢謂休賓曰斗城已敗歷城非朝則夕公可早圖之休賓撫爪

冊府元龜

將帥部
招降

卷之四百二十六

十九

髮泣涕曰妻子幽隔誰不愍乎吾荷南朝厚恩受寄邊任今顧妻子而降於臣節不足也而密與其兄子聞慰議爲降計聞慰曰此故當文達誑計耳年當抄掠豈有多軍也但可撫強兵勒肅衛方城使嶮何爲便生憂怯示人以弱也休賓又謂文達曰卿勿憚危更爲吾作一返番善觀形勢於是遣文達偷道而出令與白曜爲期尅日許送降文白曜嘆曰非直休賓父子荷榮城內賢豪亦隨人補授卿便卽爲梁鄒城主以酒灌地啓告曰山河若負休賓使我三軍沒覆初白曜之表取休賓妻子也獻文以道固旣叛詔授

休賓持節平南將軍冀州刺史原公至是付文達詔策文達還謂休賓曰白曜信誓如此公可早爲決計恐攻逼之後降悔無繇休賓於是告兄子聞慰曰事勢可知汝早作降書聞慰沈疑固執不作遂差本契白曜尋遣著作佐郎赤虎夜至梁鄒南門下告城上人曰汝語劉休賓何遣文達頻造僕射許送降文歸誠大化何得違期不來於是門人唱告城內悉知遂相維持欲降不得皆劉休賓父子欲以我城內易榮位也尋被攻逼經冬至春歷城降白曜遣崔道固子景業與文羣至城下休賓知道固降乃出請命白曜

冊府元龜

將帥部
招降

卷之四百二十六

二十

送休賓及宿有名望者十餘人俱入代邸爲客尉元爲鎮南大將軍援徐州宋東徐州刺史張譙據圍城徐州刺史王玄載守下邳駢掠近民保險自固元遣慰喻張譙及青州刺史沆文秀等皆遣使通誠王整桓欣相與歸命呂羅漢爲羽林中郎上邳休官呂豐署各王飛鹿等八千餘家據險爲逆詔羅漢與司馬楚之駕前招慰降者九千餘戶比至盱眙頻被賊軍擒其將顧儼李觀之等以功遷羽林牧郎幢將加建威將軍楊椿孝文時爲寧朔將軍梁州刺史初武與王楊集

為楊靈琰所破降於齊至是率賊萬餘自漢中而北
規復舊土椿領步騎五千出頃下辯貽書集始開以
利害集始執書對使者曰楊使君此書除我心腹之
疾遂領其部曲千餘人來降後孝昌中爾朱榮討蒙
弁肆與汾州胡逆表加椿征虜將軍都督慰勞汾胡
汾胡與椿北州服其聲望所在降下

盧景為鍾東將軍徐州刺史宣武永平四年夏景表
曰梁琅邪郡民王萬壽等款城內納潛來詣臣云胸
山戍今將交換有可圖之機臣即以此旌賞遣其還入
至三月二十四日夜萬壽等獎率同盟攻掩胸城斬

冊府元龜

將帥部

卷之四百二十六

二十一

梁輔國將軍琅邪東莞二郡太守帶胸山戍主劉昕
弁將士四十餘人傳首至州臣即遣兼郟城副張天
惠率驍勇二百徑往赴之琅邪諸戍駭駭繼援而梁
郁州已遣二將軍以拒天惠天惠與萬壽等內外齊
擊俘斬數百便即據城詔景曰彭宋地接邊疆勢連
淮海威禦之術功不在易胸山險塞寇之要防水陸
交湊楊郁路衝畜聚凶從虞留邊鄙青光齊充每離
其患卿妙算既敷克城殄衆展疆辟土何善如之積
勲之典朕用嘉止故遣左右直長潤遵業具宣往懷
北齊薛循義為安北將軍蜀賊陳雙熾等聚汾曲詔

循義為大都督與行臺長孫稚共討之循義以雙熾
是其鄉人遂送鄉詣壘下曉以利害熾等還降拜循
義龍門鎮將循義又為關右行臺自龍門濟河西魏
北華州刺史薛崇禮氏楊氏壁循義以書招之崇禮
率萬餘人降復拜晉州刺史在州擒西魏王北平太
守段榮招降胡酋胡垂黎等部落數千人口表置二
原郡以安處之

趙彥深為安國縣伯從文襄征潁川時引水灌城城
雉將沒西魏將王思政猶欲死戰文襄令彥深單身
入城告喻即日降之便手牽思政上城

文襄謂彥深曰吾昨夜夢

冊府元龜

將帥部

卷之四百二十六

二十二

遇一群系吾射盡獲之獨一大豕不可得卿言當為
吾取頃更獲豕而進至是文襄笑曰夢驗矣即解恩
政佩刀與彥深曰使卿當獲此利

後周於謹初仕後魏為元纂鎧甲曹從事追討茹茹
為賊所圍乃逃入寨時魏末喪亂羣盜蜂起謹兼解
諸國語乃單身入賊中示以恩信於是西部鐵勒酋
長也列河等三萬餘戶並款附魏帝嘉之除積射將
軍

權景宣為驃騎大將軍安州刺史燕公子景征江陵
景宣破梁司空陸法和司馬羊亮於涇水又遣別帥
攻拔魯山冬造舟艦益張旗幟臨江欲度以懼梁人梁

將王琨在湖州景宣遺之書諭以禍福琳遂遣長史
福堅因景宣請舉城款附

弟寧為征東將軍賀拔勝為荊州刺史寧以本官為
勝軍司率步騎一千隨勝之部值荆蠻騷動三鴉路
絕寧先驅平之因撫慰蠻左翕然降附隨稅得馬一
千五百匹供軍

王悅為大行臺尚書從達奚武征梁漢軍出武令悅
說其城主楊賢悅乃遺之書賢於是遂降又白武云
白馬衝要是必爭之地今城守寡弱易可圖也若蜀
兵更至攻之實難武然之即令悅輕騎徑趨白馬悅

冊府元龜將帥部 卷之四百二十六 二十三

示其禍福將浮悟悅遂以城降

梁禦為鎮西將軍大祖既平秦隴西方引兵東下雍
州刺史賈顯持兩端通使於齊大祖以禦為大都督
雍州刺史領前軍先行既與顯相見因說之曰魏室
陵遲天下鼎沸高歡志在兇逆島夷非遠字文夏州
英姿不世筭畧無方方欲扶危定難興復京雒公不
於此時立功效乃懷猶豫恐禍不旋踵矣顯即出迎
太祖禦遂入鎮雍州

齊王憲從武帝伐齊為前鋒進克鄴城齊任城王湣
廣寧王孝珩據信都有眾數萬武帝復詔憲討之仍

令齊王手書與湣曰朝廷遇締甚厚諸王無恙叔姪
釋甲則無不優渥不納乃大開賞募多金帛沙門
為戰士者亦數千人憲軍過趙州湣令間諜一人覘
視形勢候騎執以白憲乃齊集之舊將徧示二人又
謂之曰吾所爭者大不在汝等令放汝還可即克我
使乃與一書書具傳 其末云交兵命使古今通典不
俟終日所望知幾也俄而湣領軍尉相願以眾降相
願潛之腹心也眾駭之因破之擒湣

隋李雄字思盧初仕後周為上儀同從行軍總管韋
孝寬畧定淮南雄以輕騎數百至硤口說下十餘城
冊府元龜將帥部 卷之四百二十六 二十四

拜濠州刺史

元諧為上大將軍總兵討吐谷渾俘斬萬餘於是移
書諭以禍福其名王十七人公侯十三人各率其所
部來降

劉權大業中為南海太守行至都陽會羣盜起不得
進詔令權召募討之權率兵與賊一遇不與戰先乘
單舸詣賊營說以利害而羣盜感悅一時降淮陽帝
聞而嘉之

唐河間王孝恭為南山道招慰大使自金州出於巴
蜀招撫以禮降附者三十餘州遷襄陽道招慰大使